



## MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES E O CONCELLO DE TEO PARA A EXECUCIÓN DA OBRA DE AFIRMADO E ACONDICIONAMENTO DO VIARIO MUNICIPAL AO CAMPO DE FÚTBOL DE CACHEIRAS

### I. Departamento que tramita o convenio

A Consellería de Presidencia, Xustiza e Deportes é o departamento ao que lle corresponde a elaboración, proposta e execución da política do Goberno galego en materia de Administración local, de conformidade co previsto no Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes (DOG núm. 101 do 27 de maio).

### II. Antecedentes

A Xunta de Galicia, a través da Consellería de Presidencia, Xustiza e Deportes, ten previsto asinar un convenio de cooperación co Concello de Teo para executar o proxecto de afirmado e acondicionamento do viario municipal ao campo de fútbol de Cacheiras.

Os artigos 194 e 195 da Lei 5/1997, do 22 de xullo, de administración local de Galicia (en adiante LALGA), establecen que, no que atinxe ás relacións coas entidades locais galegas, correspóndenlle á Xunta de Galicia ás competencias de cooperación e colaboración, podéndose estas materializarse mediante a subscripción de convenios.

Segundo dispoñen os artigos 25 e 26.1 da Lei 7/1985, do 2 de abril, reguladora das bases do réxime local, e 80 e 81 da LALGA, os concellos deberán prestar á súa cidadanía os servizos públicos que contribúan a satisfacer as necesidades e aspiracións da veciñanza, entre os que se atopan a pavimentación das vías públicas urbanas e a conservación de camiños e vías rurais.

O Concello de Teo manifestou a necesidade de asistencia por parte da Consellería de Presidencia, Xustiza e Deportes para a acometer o proxecto denominado: "afirmado e acondicionamento do viario municipal ao campo de fútbol de Cacheiras", debido ao deterioro dos viarios obxecto deste proxecto que é consecuencia da súa antigüidade, das inclemencias meteorolóxicas tan adversas que caracterizan esa zona, así como polo desgaste ocasionado polo propio uso, polo tráfico de vehículos diario que discorre por el





e como consecuencia das reposicións parciais de aglomerado en gabias e acometidas das distintas instalacións, afectando negativamente ao tráfico rodado. Así mesmo, detectáronse varias fugas de auga acontecidas na rede soterrada de abastecemento que provocaron afundimentos e fochancas en distintas zonas localizadas, alterando considerablemente a rasante da estrada e afectando polo tanto á estabilidade dos vehículos que circulan pola dita estrada.

As zonas de actuación presentan graves deficiencias en canto ao acabado superficial do pavimento de calzada e das gabias, tratándose de tramos nos que a día de hoxe ditas deficiencias impiden o seu correcto funcionamento, tales como descarnadura, fendas e fochancas distribuídas de maneira xeneralizada pola súa superficie. As actuacións previstas pretenden resolver o deficitario estado de conservación dos pavimentos da calzada, posto que o seu lamentable estado orixina un grave prexuízo no uso destas infraestruturas polos cidadáns.

As obras a realizar consisten fundamentalmente na mellora da capa de rodamento das pistas de titularidade municipal sobre as que se actúa.

É factor importante, tamén, para a súa renovación, a necesidade de obter acceso mais axeitados e eficaces aos existentes, así coma a mellora da sinalización horizontal e vertical.

Para iso recórrase a estender una nova capa de aglomerado asfáltico sobre a base anterior, xa que desta maneira elimínanse os problemas de desgaste e perda de ligante, e recupéranse as características de forma orixinais do pavimento.

Considérase conveniente asfaltar a base dunha rodaxe de aglomerado asfáltico tipo S.12 modificado de 6 cm de espesor, e rega de adherencia con 1.5 Kg/m<sup>2</sup> de emulsión asfáltica, incluíndo o levantamento de tapas de arquetas e tapas de rexistro. Realizarase finalmente a sinalización horizontal mediante pintura termoplástica branca ou amarela segundo sexa o caso.

Todos estes factores recomentan as actuacións previstas, as cales redundan en calquera caso no beneficio da seguridade e comodidade dos usuarios.

De acordo co exposto, coa dita actuación mellóranse considerablemente as condición de seguridade da vía, para viandantes como para tráfico rodado, acadando uns accesos cómodos, funcionais e axeitados para os usuarios, tratándose polo tanto dunha actuación xustificada polo interese público.

A realización da obra require un investimento substancial que o Concello de Teo non pode afrontar con recursos propios neste momento. O montante económico do proxecto,





excede dos recursos locais dispoñibles actualmente, razón pola cal resulta necesario solicitar unha subvención á Xunta de Galicia pola totalidade do orzamento da obra.

### **III. Finalidade**

O obxectivo común é mellorar as infraestruturas municipais, de forma que o concello poida prestar servizos de calidade á veciñanza.

Para os efectos sinalados, tense previsto formalizar co Concello de Teo o instrumento convencional a que se refire a presente memoria, cunha duración que abrangue dende a súa sinatura ata o 31 de decembro de 2025.

### **IV. Obxecto do convenio**

O obxecto do presente convenio é fixar as liñas de colaboración entre a Consellería de Presidencia, Xustiza e Deportes e o Concello de Teo para executar as obras incluídas no Proxecto: "afirmado e acondicionamento do viario municipal ao campo de fútbol de Cacheiras", cun orzamento total de 48.364,90 € (IVE incluído).

### **V. Fundamentos do convenio**

O Concello de Teo manifestou a necesidade de asistencia por parte da Consellería de Presidencia, Xustiza e Deportes para a acometer o Proxecto: "afirmado e acondicionamento do viario municipal ao campo de fútbol de Cacheiras", debido ao seu deterioro polo uso continuado dos vehículos e ás condicións climáticas adversas.

A solicitude fundaméntase na necesidade de atender o mal estado de conservación que presenta o viario municipal.

Así pois, este convenio de colaboración responde ao interese público e social que representa a acción de fomento da Consellería de Presidencia, Xustiza e Deportes respecto da execución dunhas actuacións necesarias para o normal funcionamento da entidade local, que lle permitan exercer as competencias e prestar os servizos que a normativa básica en materia de réxime local lles atribúe aos concellos, como Administración máis próxima aos administrados.

As actuacións consisten na mellora do firme nun viario de titularidade municipal en Teo, co fin de garantir unha circulación segura e cómoda para todos os usuarios. As obras a realizar consisten fundamentalmente na mellora da capa de rodamento das pistas de titularidade municipal sobre as que se actúa

As ditas actuacións céntranse no seguinte:





- limpeza de gabias e mellora da capa de rodaxe. Reasfaltado de calzada mediante 5 cm de aglomerado asfáltico S-12, compactado ao 97% Marshall, estendido nunha capa sobre toda a plataforma do asfalto existente varrido/fresado, previa reparación de fochancas e perfilado de mordentes ao 10% da superficie con aglomerado asfáltico S-12 e rega de adherencia con 1.5 Kg/m<sup>2</sup> de emulsión asfáltica. Este tramo de lonxitude total duns 470 m con anchuras variables, cunha superficie total a aglomerar de 3828 m<sup>2</sup>, e un acho medio de 8,14 metros
- recrecido de 27 tapas de rexistro e imbornais existentes ata a cota final de acabado
- sinalización horizontal e vertical con pintado de liñas en bordos e colocación de sinais.

Utilizaranse marcas cun factor de desgaste comprendido entre 10 e 14, fóra de símbolos e frechas, que teñen 8. Por tanto prevese o emprego, en todos os casos, dos mesmos símbolos e frechas por homoxeneidade e ao ser dunha contía inferior respecto da medición total, de marcas viarias de longa duración.

A conxuntura descrita, a necesidade de asistencia manifestada polo Concello e o obxectivo da actuación, así como a existencia de crédito adecuado e suficiente para a súa aplicación eficaz no restablecemento dos servizos municipais sobre os cales se actuará a través do convenio que se pretende subscribir, acreditan a existencia de razóns de interese público que xustifican o feito de recorrer ao procedemento excepcional de concesión directa dunha subvención a favor do Concello de Teo.

Así mesmo, esta actuación resulta de interese para a Xunta de Galicia polo que supón de potenciación e apoio á prestación de servizos por parte dos concellos, como Administración mais próxima aos administrados.

Conforme co establecido no artigo 26.2º da Lei 9/2007, do 13 de xuño, de subvencións de Galicia, faise constar que neste convenio non son de aplicación os principios de publicidade e concorrència pública, xa que o obxecto do convenio é atender as circunstancias específicas dese concello para a mellora das infraestruturas municipais.

Incorpórase ao expediente declaración xustificando a imposibilidade de promover a concorrència pública, de acordo co establecido no citado artigo 26.2º.

## VI. Importe e aplicación orzamentaria

O importe total das actuacións a realizar ao abeiro deste convenio ascende á **cantidade de corenta e oito mil trescentos sesenta e catro euros con noventa céntimos (48.364, 90 €)** IVE incluído, segundo a memoria detallada e valorada, cuxo orzamento se xunta como anexo I a este convenio e do cal forma parte.

Para dar cumprimento aos obxectivos deste convenio a Consellería de Presidencia, Xustiza e Deportes, a través da Secretaria Xeral Técnica, achegará a cantidade máxima cantidade de **corenta e oito mil trescentos sesenta e catro euros con noventa**





**céntimos (48.364, 90 €)**, con cargo á aplicación orzamentaria 05.01.121A.760.0 (código de proxecto 2015 00088). Esta cantidade representa o 100 % do orzamento do proxecto.

VII. Polo exposto, considérase xustificada a utilización do instrumento convencional para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Santiago de Compostela, na data da sinatura dixital

O secretario xeral técnico  
Francisco Javier Abad Pardo

